

Сән эклц

Приозерн района „Сухотинский“ гидг махна совхозд кесг олн хальмг өрк-бүл нүүдж ирсн бәәнә. Ирсн улс дунд багъчуд чигн олн.

Көдлмшч багъчудин нилчәр района культурин Гер сергдж, көдлмшән өндәлгъдж йовна. Культурин Герт дунбиигъин болн наад белдг кружокс бүрдәгдсн, экләд көдлмшән кеджәнә.

Иим ик чинртә болн олн-әмтнд кергтә төриг бий дее-рән авч, өмәрән йовулдж йовх улснь: комсомольцнр Коджин Борис, Бадмин Гера, Муучкан Б. болн нань чигн кесг көвүд-күүкд. Баахн комсомолк күүкн Сесеева Клара тедниг цугтнь толгъалдж, сулхвр уга гардвр өгч, өмәрән көтәдж йовна.

Эн сән эклциг әвдрәлго, цааранлнь улм өөдән гаргългън Приозерн района цуг багъчудин болн комсомольцнрин, тедниг толгъалджах ВЛКСМ-н райкомин эркн төрнь.

БАСНЪГЪА Ч.